



Inatsisartunut ilaasortaq
Anna Wangenheim
Demokraatit

§ 37 naapertorlugu apeqputip nr. 136-2022-p akineqarnera.

Asasara Anna Wangenheim

Inatsisartut suleriaasianni § 37-mi, imm. 1 naapertorlugu Naalakkersuisunut apeqquteqarputit. Naalakkersuisut apeqqutinut tullinnguuttumi issuarneqartunut akissuteqartinneqartunullu qujapput.

Naalakkersuisunut apeqqutigisat:

1. **Cuba-miit peqqinnissaqarfimmi sulisunik sulilersitsiniaanermik Naalakkersuisuniit immikkut suliniuteqarneq sumut killippa?**

Akissut:

Cubamiut peqqinnissaqarfimmi sulisuinik taamaallaat samminnittumik Naalakkersuisut iluarsartuullugu pilersaarusiamik ingerlataqanngillat.

- a. **Immikkut suliniuteqarneq suli ingerlava imaluunniit unitsiinnarneqarpa?**

Akissut:

Apeqput 1-imut akissut takuuk.

2. **Suliniut naammassineqarnissaanut pisortanut aningaasatigut allaffissornikkullu qanoq kinguneqassava?**

Akissut:

Aningaasaqarnikkut allaffissornikkullu kingunerisassaanut apeqqutaavoq iluarsartuullugu pilersaarusiap annertussusissaa kissaatigineqartullu.

3. **Suliniutip naammassineqarnissaanut namminersorlutik inuussutissarsiortunut aningaasatigut allaffissornikkullu qanoq kinguneqassava?**

Akissut:

Paasissutissanut taakkununga pissarsissutaasinnaasunik naatsorsuutinik Naalakkersuisut pigisaqanngillat.

4. **Suliniut naammassineqarnissaanut innuttaasunut aningaasatigut allaffissornikkullu qanoq kinguneqassava?**

Akissut:

Paasissutissanut taakkununga pissarsissutaasinnaasunik naatsorsuutinik Naalakkersuisut pigisaqanngillat.

5. **Naalakkersuisut pineqartumut allanik paasissutissiissinnaanerlutik?**

07-07-2022
Suliap normua 2022 - 13992
All. nr. 20571139

Postboks 1160
Oqarasuaat: 34 50 00
Fax: 34 55 05
3900 Nuuk
Email: pn@nanog.gl
www.naalakkersuisut.gl

Akissut:

Nunanit Avannarlerniunngitsoq nunanit allanit peqqinnissaqarfimmi sulisunik sulisussarsisinnaaneq atorfinitsitsisinnaanerluunniit iluatsitsiviussappat pissutsit arlallit misissorneqaqqaassapput erseqqissaavigineqaqqaassallutillu. Nunat allamiut ilinniarsimanagerisa akuersissutaasalu akuersissutigineqarnissaat pillugu, oqalunnermi allattarissanillu suliaqarnermi oqaatsitigut qaffasissutsip, nalunaarsuinermi oqaatsit atorneqartut, Peqqinnissaqarfimmi tassungalu tapertaallutik ingerlasunut nunanit allaneersunut sulisunut il. il. oqaluttaanerup qulakkeernissaanut tunngatillugu inatsisitigut erseqqissaavigineqarnissaat pillugu ilaatigut pineqarpoq. Tamatuma saniatigut inuiaqatigiinnut ilanngutitaanermullu tunngassuteqartut, Kalaallit Peqqinnissaqarfianut nunami allamiut peqqinnissaqarfimmi sulisut ilanngutitaanissaanut kiisalu ilaqutaasa inuiaqatigiinnut ilanngutitaanissaanut tunngatillugu pingaarutillit ilaapput. Assersuutigalugu meeqqanut atuarfik ulluuneranilu neqeroorutit aamma aappaasut suliffissatigut periarfissaqarneri. Pissutsit taakku peqqinnissaqarfimmit sulisut suminngaanneereri apeqqutaatinnagit qulaajarneqaqqaassapput.

Nunani allamiunik peqqinnissaqarfimmi sulisunik soorlu tuluttuinaq oqaluttunik siunissaq isigalugu iluatsissappat, taava pingaaruteqarpoq, tigooraassutip inissinissaata qulakkeernissaa, taamaalilluni peqqinnissaqarfimmi sulisunik taakkuninnga ilanngutitsineq aalajangersimasumik sulisunut pisarissersuutaassanani. Aalajangersimasumik sulisorineqartut Peqqinnissaqarfiup ingerlanneqarnissaannut aalajangiisuulluinnarput, aamma nuna tamakkerlugu innuttaasut ikiorniarlugit ullut tamaasa annertoorujussuarmik suliaqartarput. Innuttaasunut sullissineq sapinngisamik pitsaanerpaamik tunniunneqarsinnaaqqullugu, aaqqissuussinerit nutaat Peqqinnissaqarfimmi sulisut aqutsisullu eqqarsaatigalugillu suleqatigalugillu ineriartortinneqassapput.

Sulisut tuluttut oqaluttut ilanngutitsinnerini, tuluttuumiit kalaallisuumullu, aamma tuluttumiit qallunaatumuullu oqaluttaasinnaasunik, oqalutsinik atorfinitsitsisoqarsinnaanera naatsorsuutigineqassaaq. Peqqinnissaqarfimmi oqalutsit kalaallisut/qallunaatut ullumi sulipput.

Oqaatigineqarsinnaavoq, siunissami aqqiissutaasinnaasunik isumassarsiorfigalugu, nunat avannarliit avataani nunanit peqqinnissaqarfimmi sulisut kajungilersinniarlugit ilanngutitinniarlugillu Islandimi aaqqissuutitut suut atorneqartarnerisut Peqqissutsimut Naalakkersuisoqarfiup peqqinnissaqarfik suleqatigalugu misissormagit.

Siunissami nunanit allaniit peqqinnissaqarfimmi sulisunik peqqinnissaqarfik qanoq inuttalersorneqarsinnaanersoq pillugu oqaloqatigiissutigineqarnissaa Naalakkersuisut ammaffigaat.

Med venlig hilsen
Inussiarnersumik inuulluaqqusillunga



Mimi Karlsen